

溫泉論

8

08



人

皇朝詩卷之四  
 日本一應拔擢其如  
 八  
 大  
 天  
 乎  
 金

吳氏文章

492.54  
On  
2



No  
3200

11208



富士川文庫

2726

醫藥學

吳氏文庫

溫泉論卷之四  
 蘇林對沈丹  
 謝景受天  
 聖德太子  
 大鷹城醫官  
 拓津彰常  
 叔順甫著  
 盛泉鳴天  
 果精寒溫泉  
 有餘益同藩  
 突堤氣直  
 煩仲溫而  
 野野  
 泉論  
 伊察金門  
 人會土佐  
 野邨義德  
 仲懷  
 人全校  
 對造者  
 昔嘗入  
 愚山  
 大阪泉宮  
 城希廉世  
 潔  
 天下之水一也  
 天下之火無二致矣  
 况天下之金石  
 乎  
 今也舉天下之火以燂天下之水  
 和之以天下之金石  
 然而其氣味臭色確乎溫湯  
 其才力亦髣髴乎

真泉者名之曰家溫泉。家溫泉天下之一大奇貨者也。上自王公姬姜。下至鰥寡孤獨。凡懷久疴長患。不可自由者。好舉斯術。則六時縮地於千里。沸泉於咫尺。悠優閑浴。以鎔化累年之痼。猶運諸掌然。不亦痛快哉。予昔嘗入馬山。熟觀泉性。退而撰水火辨。遂及泉論。因察金石交會之理。假造溫湯。歷試諸人。然後果識家溫泉有裨益於世矣。則予豈敢闇然而懷之哉。向者太冲造假溫泉。擬諸但馬溫湯。曰溫泉即天生花。藥湯即剪絲花。假使形似色類。竟乏天生鮮艷。



此泉之章

况於香味乎。誠斯言也。以艸藥則似焉。苟洵汰泉石。以釀成泉性。是則人家一種溫泉矣。復何香味之損。若夫所謂假溫泉。用區區糯米殼。或火酒等。亦何異於世俗所用百艸湯。忍冬湯。當歸湯。枸杞子湯等哉。如是者。直謂之剪絲花可也。是豈溫泉閒之物乎哉。欠其天生香味。固其所也。如吾家溫泉。果非同日之論也。浴者其辨察之。

泉性

凡溫泉之為性。金鐵硫黃丹砂礬石雄黃朴消等精。

各自交會。以湧出百凡之才。其閒或有淡者。鹹者。酸者。甘者。或有大溫者。極熱者。半溫半冷者。或有發瘡者。愈疥者。滑四體者。燥形肉者。受性各異。氣味互分。故欲擇溫泉者。當先辨其氣味臭色。然後察其才之美惡崇庠耳。以此辨別。則天地鬼神不能揜其秘也。今所新造泉性。本於有馬溫泉。蓋有馬溫泉。以金銅爲窟。硫黃礬石爲床。丹砂雄黃爲門戶。海鹽扑消爲過客。數性相集。以成一大奇泉矣。其故何也。硫黃得雄黃。則其性益猛。雄黃得金銅。則其力愈健。金銅得

扑消。則其液始流。故無扑消。則金液不化。無金液。則雄黃不神。無雄黃。則硫黃不靈。四物相和。以懷玄玄不測之才。加之礬石。以發斬邪輔正之智。潮脈以體溫潤和暢之仁。火脈以奮飛天凌霄之勇。豈翅火脈已。扑消換之以硝石。而硫黃併焉。則烽燧之意存矣。故婦人宮藏有伏邪竄毒。必用泉弩以陷之。不亦旨乎。我雖不敏。一探斯蹟。造泉之微。豁然而通。夫然後其所損益取舍。實在用者活法如何耳。何必盡馬山溫泉。而泉性盡于此者也乎哉。

泉石

金華五石之為効。主治婦人赤白帶下。血癥石瘕。斷緒絕產。崩中漏下。經水不通。小便失禁。子宮冷癩。一切胞中之毒。及丈夫疝癖。久淋久痢。腸風藏毒。痔脫肛遺精。精冷白濁。小便短少。其餘諸疥。百癬。麻毒。痘毒。手痺。腳氣。歷節風毒。痿痹。攣臂。金瘡。痼疾。水銀粉毒。感雨冒瘴。天行戾氣。以至撲損閃肭。齒墜。漆瘡。一切蟲蛇傷。馬牛蹶跌傷。奇驗萬萬。

金華五石泉方

石硫黃 二斤 室 硃石 一斤 硃石 一斤 硃石 一斤 硃石 一斤

雄黃 半斤 兩 消石 一斤 以上四物 用云長

金銅石 今用銅罐代之 宜選上好者 潮水 一石 煎

右五物 先搗碎 四物如細砂子 同下銅罐內 石上

加一扇板 灌以潮水 一石 徐徐煖燂 溫溫適膚 為

度 若無潮水處 新汲水 一石 和食鹽 一斗 用日浴

三次 七日浴已 即撤湯 滓是為一臘 每臘依前法

約三臘 為一順 若夫夏日 泉石一劑 和以潮水 八

斗 浴三四日 急換潮水 再下半劑 以終一臘 按金

華治法與有馬溫泉無異。唯婦人三癩五絕七傷等。專用泉注術為要。餘須依本論研究之。


泉室

凡造泉室。以金銅罐為上。木槽亞之。罐圍九尺。高三尺。厚三四分。是為外室。其內底凹處。徑二尺。深三寸。可以填泉石。石上隔以一板。板面更設作無底槽。下之。可容罐之內側。是為內室。蓋欲為浴者。無使熱罐親其膚也。罐口兩傍。橫挿方釘者。亦鎮槽之用云。是則王公姬姜之泉室矣。若夫金罐。雖豪貴之門。亦難


銅 罐 圖



湯槽圖




內槽并板面圖





盤上撒泉石并扁金圖




可一朝舉焉。然非斯器不可以適斯病乎。即取扁金五六兩。撒定石上。如梅花狀為得。唯湯槽。其材以檜栢桂樟等為最。其圍一丈。高三尺。銅盤為底。黑鐵次之。是則庶人之泉室也。

泉注亦掌動泉。其前而不浴。封其口。要五寸。其大石。其高。其口。要五寸。

本論所載龍筩圖。是為泉注。直是馬山溫泉而可者耳。如今家溫泉。其盤底既無泉波。可湧出。則龍筩何所用焉。因重製泉注。以便浴者。其法筒圍六寸。長稱之。其上口內徑一寸。以達下口。下口赤銅包封為底。

底中央穿幾小孔。以為所通泉脈之處。其口內繫金  
 舌以開闔之。勢使泉波納而不出。筒之下體。前面穿  
 一竅。其大可挿注莖。莖長二寸半。圍二寸。上口徑一  
 二分。下口四五分。以引泉波達諸子宮。莖下口內繫  
 以金舌。此亦掌使泉波前而不卻。注幹長七八寸。幹  
 頭一寸。鹿布裹纏。以縷紮定之。其大可填筒口。要在  
 使泉氣不踈泄耳。唯筒與莖幹。用木製之。舌與底。則  
 用銅或錫。全具既成。丹青以潤色之。亦倣龍笛之例。  
 凡用泉注法。浴者坐泉底。聳腰放股。左手操注莖。使

泉注全形圖



筒前口與下口內回環舌竅

筒底


解

注

體


除筒底視下口內面繫舌處

筒底



除筒上口視下口內面繫舌處

圖示全氣圖



注幹



筒上口

前竅

底筒



之向龍門。漸進接於宮口。右手攝取注幹。一時翕然。下上推曳。焉則泉波翻入筒內。從而湧出於莖頭。猶神龍噴珠飛雨然。誠克運用斯器。則凡泉氣所貫通。端的痛快。我恐馬山龍窟。為避三舍。

浴法 凡浴金華者。平坐泉底。秋冬使泉波漲至肩。上。春夏則及兩乳而止。每浴霎時。頭上汗滴為度。此時露踞泉頭。少少解煩。再浴如初。於是用浴器者。必依其法。若夫浴後仰高山。俯流水。閉牕倚傲。悠然歛汗。皆徇本泉之例。

浴度 依前法

浴煩 凡浴金華者。不問煩不煩。浴第四日。以往日。服達泉丸一錢。大便快利為度。若大便瀉者。不可與也。

浴禁 凡患者將浴。當必先知五禁。勿敢犯法。乖律。狎侮家造之簡。今觀世之遊溫泉者。既辭鄉關。省徒役。罷職廢業。憇形慰神。以養其生。猶且不免十失。二三。况乎起居其家。朝夕其政。非養氣寬洪。秉六心精整者。其焉能得觀泉勲之全哉。戒之慎之。

六宜 金華治方不必止於此焉。宜逐證施術。若夫  
 甘露飲。特馬山溫泉而可者也。如金華則否。蓋以  
 新波已去。舊波無復可繼也。餘皆依前。且不與十

七忌 治後調攝 以上俱依前法

治驗 一賤內年二十有六。每產不唯不育。身亦憔悴。肌骨

殆委。歲五月。兒染麻疹。死之。自後。母氏哀惜不已。

予因慰之曰。無傷也。今茲十有一月。當卜美嗣。夫  
 子田不美。子精不可得而授也。請子以歲八月。浴  
 馬山溫泉。既而從予之言。通浴一順。歸來。形氣漸  
 復。起居如故。可謂子田美而澤矣。冬十月。下澣。月  
 事至。三日乃止。婦報之曰。時乎不可失也。日諾。吉  
 月在邇。請子少俟。後五六日。子門翕然而闔。予因  
 為作金華泉浴之。用煖宮術。自晦始焉。十有一月  
 朔。出謁先塋。且告以報後之事。此夕。宮口微笑。翌  
 霄。良放。宛如嬌葩。含晚吹。予欣然興。酬卮酒曰。時

乎不可失也。於是乎種子之業則成矣。明日停浴。賦國詩一章以誓之。明年秋七月果生一大雄兒。名曰清麻呂。父母之喜可知也。

一河內恩智里松倉某婦年二十有一嘗舉一女子。

居無幾死婦哀歎以告予于折肱館。館在河內恩智里近城跡

西陸即予出診之所予語之曰盍生一大雄種我請授之夫

子田不美子精安乎長焉前之愛玉天產肥脆骨

不勝肉是胞蓄冷漿胎長其中無陽氣以充之也

當預浴溫泉一臘加以煖宮術歲九月是則樹藝

之秋矣。月露下後二三日當完資子精。若子精不達則明且必漏卻之。否則駸入其洲也。後其慎之。乃授以金華與泉注。明年六月晦果娩良兒。蓋先我之兒一月云。自後每予抵館輒婦欣然抱兒出立門巷相共遠指之。目送予之騎影而止。

一浪華藥肆中道屋某妻年二十有五嘗產一女人。自來八年於茲猶未乳焉。一日蹶傷左膝有時顛

仆或痛或痺歲十月浴金華泉一臘用煖宮術足

疾即愈是月懸胎果生一男子矣。且方其浴也有

從妹年十有六。天質清薄。四體如絲。天癸未通。又有婢年三十有八。每月事至。吐悶腹痛。不知所爲。二人相共謀浴。倍用泉石。妹也。自後天癸始通。婢則諸患霍然。其年二十有五。嘗一丈人  
一浪華西堀。綿屋傳吉之妾。年二十有八。素爲郭北之妓。一旦出爲郎之所歡。切願有嗣。萬方不獲。一日叩予于鳳鳴館。館在阪府泉坊。即予出療之所。予莞爾而笑曰。我有術也。待子之求久矣。雖然。子是花柳之苗。挾其醜毒。徽氣不可知也。請驅其前而畧其後。可乎。

方此時。足脛硬腫。腹裏有奔豚氣。是結毒兼飲者耳。因與半夏厚朴加犀角湯。以拔其飲。次服附子湯。足疾半瘥。自後浴金華一臘。爲閉。又浴一臘。始授盪胞之術。依法浴之。又既三臘。歲十有一月。果震。自來不復報。明年三月。傳吉來叩。且言辱依國手之靈。得懸子胎。今將閱五月。其閉未嘗告狀。情也。敢唯罪之不謝。比日卒然少腹痛。胎乃墮。今而噬臍不及。予對之曰。勿悔也。惡艸不除。子田不美。向來方且強浴。異日我視其苗長而已矣。

一浪華島之內。油屋某妻。年二十有六。容貌清細。猶二八之娘。月信愆期。交以帶下。予嘗診之。腹裏癥動。或痞或痛。飲喫常少。起居頗懶。合番以來。八九年于此。未舉一子。因爲浴家溫泉。春秋每浴一臘。約四五臘。諸患脫然。起居加爽。一日予過藥店中。道氏主人語諸予曰。渠素小人之外戚也。其浴金華則可。不用泉注。則我不知也。予聞之。愀然而歎曰。悅而不繹。從而不改。吾末如之何也已矣。

一浪華本坊龜屋某婦。年三十有八。藏無他病。唯腹中氣滿。有時上奔。或暈倒。或吐水。按之則牢然而痛。予診之曰。病得之於昔在翠樓時。深夜醉卧風臺。冷氣入腹。與酒漿相搏也。因作半夏厚朴加犀角鼈甲莖朮湯服之一百貼。閉浴金華三臘。諸患如失。

一浪華農人街磨刀家某室女。年十有八。自少小腹脹氣麤。二八月事少。起居頗艱。背反胸張。龜行鼈步。母氏唯是之憂。因相謀浴金華泉。二臘兼服達泉丸十錢。正氣天香加乾漆鼈甲湯三十貼。浴閉



腹中急痛惡血隨下。倍屣他日。其色如漆。浴已。延予視之。腹滿如拂屏。氣縵立。進退自婉如也。母氏且喜且謝。相指而笑。曰疇昔邨之蘧篠。今日維齊之姜。

一浪華曾根崎傘工宇八妻。年二十。頻年傷產。每及瀾月。輒一身洪腫。欬煩不寐。使予治之。常獲無恙。向來以其胎不育。屢問求嗣之方。予因爲令浴金華五臘。以攻盪胞之術。既而踰年。更舉一女子。快婉長盛。

一浪華玉造。備前屋某妻。年三十。屢孕不育。嘗浴金華二臘。遂得熊羆之祥。

一浪華鴻池某妻。年二十有四。經閉數月。動疑重身。一旦惡露下。後使人諏訪金華之湯。既浴二臘。後來果致懸弧之報。

一浪華久寶寺橋東。一商賈某妻。年二十有三。連年經閉五六月。腹滿少食。殆似惡阻。一旦惡露下。霍然如失。有隣人勸之浴金華泉一臘。曰他日必有穠祿之香。果如其言。

一大和州吉野郡飯貝村林助三郎妻年二十有八月水不通帶下如膏性頗強健身無佗疾歲八月躬自來叩求嗣之道曰妾也二九而嫁十年于茲未嘗舉一子矣其間湯液灼艾日嘗月試加以數浴溫泉嘗遊攝之有馬比年猶未應也因更問紀之本宮遂及龍神皆各三臘無毫所徹予熟診之曰術乎未也不可以弗盡焉我有溫泉幸浴至七臘則子田其美也乎資養子精亦何乎難卽授金華與泉注而遣之自歲九月至翌年三月浴既七

臘自後經水順至四月肇受子精明年正月雄兒乃媿後閱數歲生生如達郎也有慶輒千里必致書曰某月某日復辱拜柘氏之賜乃遠相贈以白染一盒蓋是邦俗賀生之禮後以爲例或曰世所謂石女者不唯天癸不通其腰必細腹亦小窄兩脛毛茂而黑今也斯人腹小而剛手足毛美而脩外象頗比丈夫然果非男腸則以我藥術而理之如是其易然也可見石女之源多本於疾故而不出乎天性也

一予繼娶年二十有五。素常腰以下冷如水。鐵終歲不倚脚爐者。九夏是已。粵若嫁之十月。浴金華泉。一臘。明春三月。再浴一臘。用煖宮術。是歲十月。三浴。復一臘。術依前法。初婦生四年。罹痘頗險。自後鼻底窒然而錮。不聞香臭。聲音亦臃乎而低。方其三浴。臑門卒然痛不可忍。一夕豁然而通。向來薰蕕自辨。聲從而揚。予喟然而歎曰。魚網之設。鴻則離之。泉之才之不可以已。我無斯泉。子胡爲乎其可得也。歲十有一月。經水至。後三日。臑門微綻。予

也。試授子精。果震。遂生三郎。名曰駮。先茲雖月露下。然臑門高揭。闔然如石。其不孕也亦宜。去之。一文化戊辰之秋。浪華新坊火焉。一境頓爲赤地。翌春。土木競興。樓臺新成。凡百老幼。起卧於其中者。莫一不發瘡疥也。方是之時。青娥紅粉。何所施焉。羅襦寶帶。有誰乎解。可謂傾國之術窮矣。有一妓亭。蓋聞我門有金華五石。乃請之。急作藥湯。每浴四劑。一槽駢坐八人。闔戶五十有餘人。不日浴已。其法不問瘡疥。預悉使此洗浴。以發其汗。則其已。

發者。漸漸枯落。而其未萌者。暴發赤疹。樣卽愈。亭主自謂得其策矣。周告諸街巷。則某甲某乙。往往爭浴。得以免焉。顧是焦土新壁。相共熏蒸。濕熱其氣。淫淫染著乎人。宜乎金華能融化發越之。迹是觀之。大凡繁華阡陌。海島卑地。濕熱瘴厲所撼之處。常須浴金華。以驅散其毒矣。予嘗愛馬。名曰飛電。出入跨之。蓋已十有五年矣。未見一日有病色也。在昔西遊馬山。留而去之。有一書生。騎而出。馬驕壓圉。直觸佩刀。傷其股矣。爾

後支痛攣蹇。萬方無効。予爲作金華沸湯。頻頻熨洗。三四日全差。

溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四  
 溫泉論卷之四

附錄

與兵衛元式書

闊矣元式嘗與足下把手於落葉之麓相共講古今泉氣而不覺晷之移者數焉。僕指算之九年于此。相顧猶昨。自來動輒見叩我於巖藪之中。存問甚厚。不圖比年累瘝並臻。泉論之草殆為寒灰。而況於其能以一字裁謝乎。今茲春晚。同鹽翁再見移玉趾於浪華僑居。不啻乎弗譴前昔之罪。復幸獲罄聆珠咳。以慰積年之塵懷。亦莫此痛快焉。比來泉論就焉。將上

諸梓特賜來賀。且惠以花椒一棗。炭籃一提。風味清好。竒巧纖微。珍愛不措。一則報諸寡君。一則示諸大夫。唯是待遇之隆。面汗不已。且高諭曰。吾儕來賀者。豈有侘哉。遠爲家國天下。近爲馬山溫泉。夫馬山溫泉之行。千有餘載。其間地震山崩者再焉。而闢之浚之者。前有行基。後有仁西。亨祿天正之災。堂舍泉屋。悉爲烏有者亦再焉。而經營之。討論之者。昔則豐公。今則柘君。闔戶相唱。一鄉共和。翕然以爲溫泉之鴻業畢矣。昔歲京師香川太冲來觀溫泉。乃言溫泉法

術。華人已不知焉。况此邦醫人乎。洗浴之徒。唯在俗間。互相諮謀。爲之耳。其不得的中。與間受其害。所以有不免也。今也。我善知用。是以起廢痼。治沉疴。公等有。意于此。請演明馬山泉功於當世乎。方是之時。我溫泉何幸。熾行于世。天下無復敵者。所惜風俗。嘩夸。聒。睨射人。及聞太冲之言。舉冷笑相謂曰。堂堂靈泉。自振古而然。太冲無勞吻喙。亦何所軒輕焉。方其遊觀之日也。待之頗簡。太冲艷然作色而去。未幾而藥選出焉。以極熱發瘡者爲佳。微温愈瘡爲惡之說。於是

乎始作。其餘所謂微鹹似淡鹽湯。猶城崎溫泉爲極佳。如有馬溫泉。過鹹至苦。所以爲不佳也。又曰。有馬溫泉。染布帛爲黃赤色。染齒爲紫赤色者。疑是鐵氣。此二色俱不佳。又曰。凡飲之漸瀉者佳。吞之直瀉者惡。又曰。有馬溫泉。如鹽膽水。飲之直瀉。其有毒無復可疑。又曰。古時僧行基。肇取於浴癩人。卽愈。宜乎有治疥之能也。以上數言。一一有所激而發也。自爾已還。城崎熱泉。驍然日軒。有馬溫泉。遠乎月輕。何其竒也。吾儕率常私願。誰能一言以間執讒慝之口者。不

意。今後憑君之靈。以洗雪數十年來之冤也。豈翅馬山溫泉哉。一正而天下諸泉定矣。辭氣袞袞。一喜一懽。渴驥嘶泉。怒猊抉石。有使人瞿然而愕。慄乎不知所應者。伏惟凡物之將見也。一顯一微。道之將行也。一治一亂。在昔洪水滔于天。而有禹之績。揚墨塞道。而有孟軻之辨。今者地不震。山不崩。二僧何績之逞。太冲不黜。泉氣愚瞽。何辨之費。崩然後其本立矣。黜然後其才彰矣。復何喜何懽。謂之一顯一微。一治一亂。然而顯微治亂皆天也。非人所能也。縱令當時瞽

首踊躍。前累山海之鮮。後羅吳越之妍。日待太冲。猶列侯也。然天未假其時。則徒勞碌形骸而止。方是之時。必也使太冲奮然自勵。飽投軀於沸泉。爨骨盪髓。以試其才能乎。天未縱其秘。則不獨弗通於泉氣。反且爲之禍害而已矣。然則常微於所當微。常顯於不可弗顯。天也。非人所能也。僕雖不敏。嘗遊馬山。試浴二臘。覩識其超然不可比類也。既而草創泉論。是日不足。將君命之所存耶。抑父師之所託乎。將太冲之所冥挑耶。抑馬山與人之所面責乎。欲已不能。其誰

使之。足下試問諸泉靈。大已貴神。千里相想。神其油

然而掀髯一笑。

答元式書

元式足下。孟秋辱書。因審起居萬福。感慰不可言。且所惠竹筒中。盛填泉液。升餘照收。不措直染指而嘗之。鹽味銅臭。衝鼻口而不已。况且越海隔山。寥寥藐藐。離火脈來。然其性味儼有餘裕者。可謂泉之才之確乎。不可拔者也。苟以是輸諸四方。普煖燠之。以天下之火。亦足徵其竒才矣。目今浪華有一湯店。二十



溫泉記  
附錄  
年來發行紀之本宮溫泉。洞酌之於彼。而注煖之於此。以療痲痿攣拘之疾。彼其才之粗。味之微。猶有效焉。况使本泉之醇者。家沸戶浴。則度世其無疾疴乎。僕也奮然有志于此久矣。是造泉所由草創。亦不得已也。頃適有郵便。忽劇所齎。呈玄貝一朋。實是馬山溫泉之鹽。是彼泉液注諸蒸露罐。文火煎沸。一晝一夜。露竭液凝。成一大鹽者耳。承諭舉寰老少相聚覽閱。乃謂盼開山以來未嘗目之鹽。而喫未嘗唇之鹹。咄咄寒竈單煉。一出乎簡慢之餘。徒塵高明而止。赧

顏何堪。又承和州當麻北室院住僧某。右手搦指內側有瘤。其大如安摩羅果。每握念珠。或合掌。輒爲之所衝觸。而支痛痒悶。祇攪我心。常自歎言。掌上一果。曷日當熟。嘗浴本泉三臘。痛乃退。瘡尚自若。後遊但馬城崎。浴療未幾。瘡轉炮痛。楚毒不可忍。因遽旋駕于馬山。而其痛卽定。猶反手然。旣浴七臘。瘡於是乎油然消破。遂獲無恙。爾後每春臻浴。常以二臘爲例。凡生涯之間。歷遊于此。蓋已四十餘次云。有之哉。足下之言。嘗聞船阪有馬之交。一處名曰瘡阪。相傳昔

人患癰。槌槌然垂于其面。切依泉術而攻之。將去。比到此處。癰倏墮。落故名云。意凡百贅癰。或痒或痛。或穿孔。或出膿。此是過鹹至苦之訣。泉足以銷破焉。若夫癰在皮肉間。癰癰垂垂。推之可以左右。捏之不色。不痛。如足下豐頰所縣奇癰者。不識本泉能療之乎。否。呵呵。又承勢州松阪人。西村氏之妻。年三十有一。率常經水少。加以無子。因浴本泉三臘。浴已告歸。足下囑之言曰。道出浪華。當必叩柘氏之門。比日勢人與其妻同至。懇問種子之術。僕乃欣然拊掌。悉發其

秘也。重授溫泉私言三卷。并金華五石與泉弩。不識異日得有休聞乎。否。於戲。足下不挾靈泉之美。周詢諸衆。可謂智之廓然者也。元式使足下有。大已貴氏之術。我爲之執鞭乎。時下北風其涼。爲道自重。

再答元式書

元式足下。僕狂敢無憚之人。素常志鬱于中。則言必不能無激于外。動犯諱忌。違世俗。以求罪於於他者。不鮮矣。足下聞其言而察其志。視其色而知其情。把臂擊節。商論古今。今指點興廢。眷眷不厭者。不識有何

所見而取此於僕乎。比來重領手教。反覆獎許。非所敢當也。亦唯不我退棄。是爲幸甚耳。且見質嚮荅書中。泉氣恢復之事。夫泉氣恢復者。言溫泉火氣之漸薄。必待人力。乃得之興起挽回也。蓋溫泉爲火氣。微劇緩急不齊。而其性各分矣。是固非人力所可能移也。唯以地理之高低。與泉脈之淺深。動多自數變。不全其性。是可惜也耳。亦豈可泄泄然。徒待天運而爲哉。譬猶熊野本宮。高流於湯峯之巔。但馬城崎。橫奔於新湯之口。旣無一物添其上。則雖歷數千載之久。

乎。其氣猶有儼然不可奪者。若夫熊野二河。卑沸於南海之濱。潮來則泉波蒼然。與海一色。目今有馬溫泉。亦凹乎深出於溪澗之底。安得無四面澗水相合。滲入於其中哉。不爾。豈有二百年間。溫熱相變之理。舉世相傳有馬溫泉。火氣薄弱。不足適人之膚。初浴聳然毛寒。良久然後肌體溫溫。猶曝背於秋陽。吁。嗟。愚俗不識泉性。亦何足與道哉。然其所以有此言者。蓋泉氣之觸身。其必有所不能使人無歉然也。竊惟斯泉也。往古來今。大溫無比。是以泉頭常設備停水。

桶使人含之。以解浴煩。或以冷水漬疊手巾。戴諸百會。以禦頭疼眩暈。名曰枕水。又有提桶。別汲溫湯。盛之高。揭以灌浴者。肩背。名曰打湯。以治頭瘡。眼赤。癩癘。肩氣。耳底。臍等云。故羅山溫泉記曰。有間溫湯。舊得冷熱之中。而浴者有效。又曰。一旦會地震。山崩。而後酷熱如探湯。殆似投雞卵而黃白凝結也。故近歲引澗水于笕而注之。始獲浴焉。然其效亦可觀也。夫羅山歷遊此土。實在元和七年。相距二百年于此。當時泉氣猶未得其所歟。故使浴者輒發暈失心。往往

有焉。厥後地平天定。肇得冷熱相和。以復於太古之舊。於是乎上自相國列侯。下至鰥寡孤獨。沛然接蓋。翕然引踵。可謂舒明彞德之時。猶不及焉。自爾以降。輿馬日繁。風境月華。泉之四面。尺寸之地。莫不比屋層樓。加以山勢外峙。地形內陷。譬猶插盆底裏。特暄泉沸于其中。所仰皆山。與屋已。此山也。日出而炯樹。蒙密澗遠。泉甘。此屋也。日入而過客喧叫。井鹹食苦。故西厨之粟。待東舍之水而爨。北里之甕。引南隣之笕而漲。無晝無夜。潺潺浚浚。浸潤馬山一區。宛似絲

瓜張網。莫到處不經緯貫通也。唯然。故水之行於寬中者。十之二三。而其餘右遁左竄者。幾何。況且水之就卑。其性所先。不識泉氣所以微者。特在一區浸潤之水。而其所暗流也。悉聚于盆底。而後行。如之何其可一朝禦焉哉。滔滔者目馴耳熟。恬不注意于此。既撒枕水。又廢打湯。比諸疇昔酷熱之時。是非如何乎哉。幸所賴者。泉味醇厚。非他所可企望也。故加之一層火熱。亦無所益。減之一層火熱。亦無所損。今也加之則發暈如彼。減之則容侮如此。是豈非固有冲和

之不可以已者歟。自今以往。冀使此氣得微劇緩急之中。以適人之膚也。不亦吾大已貴神所深責於來者。而公等所當蚤鑑諸斯乎。足下以爲如何。水

三答元式書

辱書。因審踐履。康勝甚幸。甚幸。重見質泉氣恢復之事。以愚言之。近觀澗水之所逸。遠察泉窟之弗密。逸者何。謂澗水汎濫入于湯泉。以薄泉氣也。弗密者何。謂窟口齟齬。沙石狼藉。不能使一條泉脈之直上涌出也。蓋上古亡論已。嘗聞行基浚泉之時。方刻等身

石佛置諸泉底。泉波夾其兩脇而出。云後迨三百有七十年。洪水崩山。泉門顛矣。後九十有五年。仁西又復鑿之。泉口廓如。後四百年。享祿天正之災。堂舍人屋。屢爲烏有。然獨沸泉則免焉。自此以來。二百有五十年于此。天下無復見所謂等身石佛者。則深披泉窟。而清泉脈者。除仁西之外。我未之聞也。安知此間六百有餘年之久。無泉門汎濫。沙石狼藉。加以澗水潛行。橫入其中哉。足下雅言。湯泉爲底。深二丈許。鉅巖爲窟。窟口徑尺許。橫通泉脈。自東南來。湧瑟爲浪。其間

深邃狹隘。不可直置湯槽。因作木筒。挿之。引達諸上。筒之左右。填塞黏土。層層固密。與筒之上口相齊。口頭以厚板爲蓋。蓋面穿小穴數穴。以使泉脈上騰。其上鋪甃數百擔石。坦然如牀。今之槽底是也。於是乎泉波騰沸。躍出乎石間。分爲甲乙之湯云。二百年前。豐相國經營湯山。引及泉室。室之中央。斲樟爲湯槽。室之外面。四環溝渠。餘波從而落之。悠悠月日。歷數百歲。土爲筭水所汎濫。下爲蠹螻所崩穴。如之何其可一朝禦之哉。二十有九年前。信濃淺間嶽。卒然燒

破石飛土躍。則大地震動。方數百里。馬山溫泉。冷如  
水。浴者大駭。既而震定。則泉氣挽回如故。是無他火  
脈突發于東。而西則陷焉耳矣。是豈人力所可能恢  
復也乎哉。或曰。往昔馬山火焉。泉之四面。舍屋爲灰  
者。方五百步。數月土木未起。當是之時。地勢快闊。沙  
土霽燥。既無一楹半戶。翳大陽者。又無短筧小汚引  
澗水者。則泉氣大溫。倍於他日。浴者大悅。是無他以  
地面無浸潤之水也。雖然。抑五六年前之火。泉之四  
面。樓院拂地。方七百步。而泉氣反自若者。何也。顧當

時所碍者。不翅地面浸潤之弊。又加以泉底橫入之  
水。不爲寡矣。是則人力所當急務。而非與待天作之  
比也。足下有意於恢復之業。請與馬山有司。相共詢  
度。立課定律。五歲一浚泉源。每歲四省筧水。必在洗  
浴間暇之時。若夫境之東南。千巒萬壑。巨細深淺。崔  
嵬之所率崩。沙石之所填塞。載眷載顧。勿有遲徊。則  
其度幾乎足下。必振開泉鉅鋤。欲以致之恢復。則僕  
不敢不先導焉。

四答元式書

彰常頓首前日屢蒙手教皆未果荅踈懶之罪猶可  
濶畧所示摺紳浴錄奉閱一過永正以前未之審載  
也自足利義植豐臣秀吉以來其所遊觀名相大臣  
曰一條曰近衛曰九條曰鷹司曰烏丸曰菊亭曰鷲  
尾曰勸修寺曰聖護院曰大炊御門曰轉法輪院難  
一而數焉其餘列國諸侯爲黑田爲淺田爲井伊爲  
本田爲藤堂爲伊達松平丸鬼岡部蜂須賀逐條計  
之凡七十有二加以天下彥士傑僧聯駕接踵者其  
麗不億可謂宇宙第一靈湯無復盛焉安永七年酒

井雅樂頭浴焉八年吾先君羽州尋浴爾後斷然無  
復一冠蓋相繼者記者之筆於茲絕矣自此以來三  
十有餘年其間唯遠邇四民輿病騎癘往還絡繹誼  
譁游浴而已矣比諸四方溫泉華則華矣無乃取其  
華而遺其實趨其末不務其本乎不爾何寥寥到于  
此也傳曰國有沃野之饒而民不足於食者工商盛  
而本業荒也有山海之貨而民不足於財者不務民  
用而淫巧衆也熟觀輓近之俗其所產淇澳之竹袁  
豫之絲飾微治細極技盡曲以作竒器珍玩雖工輸



之巧。猶或不及焉。若乃所謂大湯女二十人。小湯女二十人。送往迎來。捲幔扶浴。朝歌夜絃。喧於秦之阿房。鬪妍妬嬌。豔於唐之華清。然而至其道。溫泉故事。則呶呶囂囂。矜夸舒明。存德之聖蹟。譎張行基。仁西之方便而止。况於其法之與術。遂是孟浪胡亂。古今變律。良毒渾治。宜乎泉氣式微。洗浴陵夷。將以瑰天下之目。而醜天下之耳也。縱有山海之奇貨。亦何所贍焉。所謂工商盛而淫巧衆者。非邪。是足下所恆寒心而僕所以爲長大息也。因重陳區區。敢累左右。又

見示有馬六景一冊子。蓋河上余田二氏所嘗珍輯云。展覽到此。拭目幾回。其第一輦瀑絕句。爲關白內前近衛公。第二有明櫻國詠。爲左大臣道前九條公。第三巧地山。則大納言雅章。飛鳥井卿所詠也。第四溫泉寺。則太宰帥典仁。閑院親王所詠也。第五落葉山。第六有馬富士三絕。則大納言公亨。四街卿與左大臣尚實九條公所作也。富哉舉乎。古今騷客。遊此土者。歲以千百算之。然其所賦。烟霞雪月。風雨晦明。以至山水草木鳥獸蟲魚。目觸心感。而發於言者。汪

洋洪蕩。往不知還。今也勝景劃然六分。入於公卿之撰。遂究千歲不轉之美觀。不亦二氏之力而馬山之榮乎。吾聞二氏浚泉之中興。而仁西之爪牙也。在昔仁西之至。與河上余田諸姓居焉。仁西麾之日。咨吾中興君子。明聽我言。藐斯泉窟。埋沒久矣。與汝二氏戮力一心。湧出此湯。庶爾孫子。世維藩衛。方今馬山竈戶八百。男女三千人。不以衆乎。以是圖之事。十一於古。功必百倍之。然而有人於是。論泉氣問法術。則蹙頞相謂曰。我攻吾工。我務吾商。以保兄弟妻子。泉

之興廢。我何與焉。唯然。故馬山人有二千二千之心。曾不若二氏之一心也。欲以是扶衰定傾。給於不足。亦難矣哉。方是之時。縱有六景之美。亦誰與眺望之。鳴虜溫泉本也。六景末也。今足下與二氏俱是泉令之巨擘。而執此兩端者。苟外本內末。泉氣恢復。待河之清耳。萬萬諒察。時亦足以備足下之笑矣。早春風。五答元式書。敬啟。對。今日。得。望。聽。前。掌。道。別來數旬。歲華倏新。幸欲付托東風。以相思之切。遽辱誨存。因審泉氣回春。山光融和。足下興居其中。萬

溫身語  
附錄  
社共人。何慶如之。且所惠拳石若干。并舊槽木片。俱是從來浪藉泉口。金華所附注者云。美哉石乎。爛爛如玉。竒哉木乎。燦燦如圭。僕也。今日得坐觀諸掌上。不亦神之貺也乎。抑亦足以謝足下之勞矣。早春河上。宇翁亦特來謝舊臘之役。且見手投一片金華石。俱是同窟之出耳。相覩珍收。不勝愛玩。因想去歲臘中。大除客居。終歲塵事。颯乎盡矣。回思泉氣恢復之舉。猶未之傳聞也。深爲遺憾。前日足下將欲振旗鼓。率先從事。然衆莫能解事。決意共合其力。以是由豫。

延滯。殆致廢閣。不圖將俟僕之一至。方解衆難而決。群疑。吁嗟。大治洪陶。雖非拙匠所克肩荷。然格外義舉。其誰不裨贊之哉。唯日外紛紛。爲本業所牽纏。東趨西馳。竟無寧刻。亦何暇以塞諸子之責乎。比來歲暮。門無蹄轍。意興頗閑。今而愬然。其曷日當有爲乎。遂吐哺投袂而興。越若十有四日。午後抵于生瀨。風勁泉凍。縈回踔躍。旣歷四十有八瀨。則馬山少長。逆我于船阪。壺飧以慰勞。足下亦與翁等十數輩。盛服執禮。鶴立于綠川之上。何其企竚之急乎。至則開館。

暄席叨命治具。夜已半矣。僕辭之曰。此行乎。不爲舞  
雩之娛。鱸膾之旨。苟有欲爲天下一匡泉氣者。我與  
之而已矣。衆皆欣然拍掌。翌日昧爽。薰沐齊戒。欽上  
書于泉靈大已貴神之祠下。以陳著作泉論之槩。旣  
而過溫泉寺精舍。住持泰了。待遇甚渥。正午就館。肇  
講溫泉論。近辨馬山溫湯。遠及天下藥泉。其餘水火  
金石交會之理。冷熱淡鹹區別之要。以至洗浴法術。  
宜忌向背。造泉歷試。逐條分篇。反覆談論。自午至丑。  
全部四卷。畧釋其大義而止。此日坐上煦煦溫溫。汗

溢面背。使人褰簾開牕。則滿目林泉。雨雪霏霏。不直  
也。僕之聲竭腸斷。席上老弱。右自住持泰了。河上宇  
翁。左至馬山闔鄉小大有衆。壹是莫不森嚴整列。翕  
然傾聽。勃如興志。一喜一驚。心醉膽饜也。於呼山野  
孤陋。何所持論。可眩乎人。幸莫以齊虜舌官而黜之  
則可矣。若夫當土溫泉。古今不同其氣者。本論未之  
辨列也。故別述宿說。以質諸坐上。諄諄猶前日之言  
今也。併錄以備便覽。如左。蓋泉本泉之氣。康氣。康大

泉氣交變解

大泉。然本古韻。燒氣。中世。而辨並

當土溫泉之爲氣。大溫於太古。酷熱於中世。而輓近  
唯溫而無力者。何也。蓋大溫卽本泉之原氣。原氣大  
過。則或致酷熱。不及。則或爲微溫。太過不及。所自出  
者。職關火氣盈虛而已矣。夫太古邈矣。舒明。孝德之  
時。熾行于世。泉門廓如。方是之時。火脈大振。固有原  
氣。雄拔沸騰。不蹇不崩。以究海內。不比之美。後迨齊  
明天智之東遷也。西幸之議遂廢。此間湮滅。將六十  
歲。行宮民屋。忽諸拂地。泉之四面。唯獸蹄鳥跡之與  
歸雲怪石耳。是則自有天地以來。當土本來面目。亦

何足抑壓火脈哉。唯然。故聖武之朝。使僧行基浚泉  
窟。則其氣盈盈。有力如初。於是乎行基重修泉槽。顯  
弘浴法。天下再識馬山有溫泉矣。悠悠居諸。茅茨炊  
爨。彼聚此散。頗爲休息之所。旣已三百有七十歲。不  
復如今尺寸之地。比屋層樓。則地勢踈闊。泉脈啓行。  
足以達火氣之勢。空乎此間。史傳未嘗記泉氣之變  
也。承德之初。天作淫雨。洪水崩山。溺家引及溫泉。於  
是乎洗浴熄矣。又復可一百歲。建久二年。僧仁西重  
且濬之。使乃祖維清等置守。自爾以還。世世相繼。回

護皇張蓋又三百有七十歲。一旦會地震山崩而後  
泉氣酷熱如探湯云。熟按自永錄天正而到于今。凡  
二百有五十歲。其初也。泉氣酷熱。殆不可犯者。可一  
百歲。方其中也。煦煦蒸蒸。誠執其中。嚴而不猛。和而  
不弱。可喜而不可狃者。又既可一百歲。其終也。則氣  
力漸薄。溫而不厚。雜而不純。可昵而不可信者。可五  
十歲于此矣。由是觀之。當土溫泉。開門以往。山川崩  
決。泉脈變革之期。常在甲子六反之後。而一則洪水  
一則地震。洪水爲水脈洋溢。地震爲火脈怫鬱。夫水

火。溫泉之牝牡。而一升一降。陰陽之消長。亦何怪焉。  
今也以三百有七十歲爲一期交代。而一水一火。其  
變分矣。然其間未初聞有泉氣數變。則永錄以後。其  
數未盈一期。而泉氣交擾。到于此者何也。以予測之。  
初致酷熱者。實火脈所怫鬱。適乘氣運變革之機。激  
發震動。崩山飛石。火氣騰蹕。倍屣他日耳。謂之一期  
交代之變。其中移至大溫者。地脈漸平。泉道因能和  
順。火氣健運。推水而行。謂之原氣充實之常。原氣充  
實。太古之常。常而或變。後昆之數。不盡其數。而再三

變者。豈是天地之作爲也乎哉。方今泉氣運旺大溫。而反平溫無力者。未可遽謂原氣不足也。是其爲外物所濫而失其常者。非邪。何者。仁西以來。旣六百有餘歲。其間雖有一期交代之變乎。唯是泉間之事。而不及馬山人戶。則泉之左右。比廛隘巷。縱渠橫竄。巍巍蔚蔚。滔滔脈脈。積蓄構新。曳清膠濁。屋上之屋。塗上之塗。點露降針之地。無處漏晷吹氣。則我恐窮陰合寒。外壅地脈以抑火氣也。况今馬山一區。家于鉅巖重壘之上。其地僅覆數尺土壤耳。吾聞多石之

地。下多空穴。有溫泉處。內伏硫黃。設冷氣一入于空穴。攝斂壅閉。極則火氣憤怒于中。與硫黃相搏。激發震轉。如霆如雷。其所衝破也。小則地震。山崩。泉塞。泥沸。大則土裂。石飛。山徙。川決。城鄉全陷者。不爲少矣。吁。嗟。助鬱壓陽之久。臨其一期交代之際。安得無所謂如鉸藥得火而發於巍樓鉅塔之下哉。亦不可以弗早圖焉。縱令今日幸無此事。然眼前泉氣日薄一日。我恐歷五十歲之後。其氣冷然如水也。如之何其可坐而視焉乎哉。言未畢。滿坐聳然振膽。愕然吐舌。

於是乎浚泉之議則決矣。不識他日可得而恢復乎。否。其意誠正。其心亦公。然則木石之功。其  
六答元式書。日幸其。然則泉。其  
元式足下。僕開歲以來。朝朝西望。昂頭跂足。幾何不圖。今日足下不來。三老實來。抑亦足藉以慰積悃也。承諭春來。諒當臨叩草廬。先聞浚泉之實。近以新營泉宮之故。未得暇刻。因遣鹽氏某。御所坊某。番匠氏某。代謁拜謝。想能一一申詳。當自面復。且所恭呈篋織藥籠。實是窮僻土宜。敢堪供用。聊效片埃於岱華。

之報。深愧輶藝。幸勿鄙擲。則何榮加之。言言懇摯。敬領盛意。且馬山名玩。天下所共推譽。僕復何言。唯仰揣盛秘丹。以周旋於愁魔邪祟之域耳。感謝萬萬。蓋竊聞諸三老。曰僕昔辭湯山。闔境老弱。半送我于綠川。半則畱圖浚泉之事。且其約曰。出令督事者三人。探泉源鑿地脈者七人。吾儕舉相與焉。掌土木者十有二人。治備器械者三人。汲沸竭泉者八十人。休作交代。劃以二時。若夫疾病寢食。互相扶持。邪正勤惰。各自戒慎。所及此約者。有如沸泉。盟已成。是月壬戌。



肇除湯槽。悉發泉底。斃石。濬鑿遠浚。大清窟口。建久  
 以來。所用湯槽。深沒在泉底者。中世所製甲乙泉筭。  
 其餘朽木陳芥。沙石土泥。大凡泉間長物。攘之斥之。  
 無復遺滯。若夫所謂等身藥師石像。使人募索。絕莫  
 之獲也。蓋其然也。設行基埋藏之。是則當時仁西何  
 為發而弃之。可視浮屠方便之說。誰昔然矣。又曰。唯  
 可怪者。人之陰毛。是已。初覘之。則茸茸然如縷如絮。  
 經緯糾結。成巢作牀。既而採出。則一擔籃籠。不可得  
 而盛也。咨數百年之久。泉勢為之所礙。蹶踏顛沛。彊

排一毛關。然後恣勃為浪。何其窘乎。且物之微也。毛  
 莫加焉。然而沉淪積累。不舍晝夜。則其害於造物。如  
 此其大矣。可不畏哉。是故利害淑慝。君子所以慮諸  
 始也。又曰。深探泉源而燭之。則甲湯之源。自東南來。  
 鉅巖重疊。向西而低。泉波聲沸。躍出乎其間。乙與甲  
 相距丈餘。其下磊砢。散漫湧出。固非一條泉波也。故  
 乙則更製方筭。以攝其散漫也。甲用舊圓筭而已矣。  
 若夫所謂澗水橫行成路者。多在甲筭以南。其餘四  
 面。豁土。徃徃為浸潤所盪滌。右竇左隙。大失其所宜。

乎。泉氣式微。不可底止。是以衆皆涸思乾慮。煨煉結  
構。不敢瞬息怠玩。尋至丁卯。約六晝六夜。七十有二  
時。經始則畢矣。唯天正中。相國所造湯槽。儼然如故。  
置諸泉頭。不復改作。又曰。浚源以來。泉聲鏗鏗。日夜  
躍出於槽外數寸。比諸前日滿槽八分。則雄拔超越。  
殆復太古之舊。然而其爲氣也。温温蒸蒸。宛如艷陽  
之行於太虛。比日有人每浴嬰兒。斯須蒸透。身煩聲  
叫。不得容與焉。又有一老農。自近縣至。乃浴之。日泉  
氣蒸膚。較巖於前昔。豈是老羸之所致歟。以是觀之。

雖未足致酷熱乎。温之又温。足以適人之膚也。其然  
豈其然乎。夫酷熱者。固非本泉之原氣。復何望焉。唯  
温之至大。使人浴已。卽蒸其皮肉。而饜其骨髓。此爲  
本泉之原氣而已。頃屢遣府人試浴。皆謂泉氣挽回。  
今僅虧其一分乎。云爾。初浴。其氣大温。使人悅懌。良  
久。其氣與膚相比。惓惓不厭。斯可惜也耳。誠斯言乎。  
足以徵泉氣微劇也。今近譬之。猶慈母之乳乎。嬰兒  
麗口須臾。而其腹果然。不復相顧者。原氣健運。推乳  
汁而行也。嬰兒勦哺良久。而其唇不放。載啼載噓。如

怨如慕者。原氣有虧。乳汁不盈也。今也。乳加一勺之汁。泉添一分之陽。則其誰謂之何。蓋非加之添之之難。處可加可添之難。何者。疇昔足下等。濬鑿遠浚。汲取泉液。力則力矣。抑亦似異於古之道也。夫行基仁西之行水。先作溝渠。達諸川澮。泉波涌流。從而就其卑。汧汧奔逃。爭前而去。是行水之道也。中世以降。泉之四面。比塵隘巷。無由引渠導泉。以是萬方罄籌。設備器械。以汲取沸泉。一朝欲舉人力。以竭天造。不亦難哉。不唯其汲之難也。千鍾沸湯。常漲窟口。未如之

何。徒勞徭役而止。不若九夏晝永。溽暑浴絕之時。孰省潛察。檢其地形。與屋勢。以明所謂水至成渠之理。而由其委蛇。羊腸可行之道。淪諸泉之西溪。則其庶幾乎是。莫勞力於汲泉。而全功乎陶冶。亦二師之術也。古之道也。夫然後使鉅巖重疊之際。不得雜出所謂潛行之水。則溫之又溫。可以慊於人膚也。雖然。此唯論其氣之本然耳。於其才功。則初無二致矣。冀自今以往。使天下浴此泉者。猶嬰兒戀乳。則僕之至願。則足矣。臨楮絮絮難悉。餘煩三老細述。統祈鑒察。

吳氏謂欲察寒熱辨陰陽必先察其脈之浮沉滑澀以辨其病之在表在里  
 以辨其病之在氣在血以辨其病之在經絡以辨其病之在臟腑以辨其病之在  
 諸其原之本然乎然其本然則脈無二途矣其目今  
 醫者之不明脈之天賦而有以辨於人壽也雖然此知  
 古之蓋也夫然則對驗氣血之脈不辨其出於何  
 平其莫能也然其泉而全以平固亦一謂之辨也  
 而由其變也則謂之辨也蓋氣血之脈其氣其血  
 者其變也其脈之與氣血之脈其脈之與氣血之脈  
 附錄大尾 氣血之脈其脈之與氣血之脈其脈之與氣血之脈

自跋

余論之就况者矣

系私理假亦安

周遊四方以究其

之象性外法納

我。其。有。可。久。視。焉。若。  
 不。因。之。家。為。二。豎。  
 不。用。成。與。神。殫。如。讓。  
 萬。公。朝。露。悲。夫。因。  
 雅。歎。之。本。歛。焉。公。

風。斷。之。業。弘。廣。外。  
 奇。祖。之。比。日。宜。受。者。已。  
 色。有。如。姓。仲。亦。隸。構。  
 漢。河。南。富。林。人。一。日。  
 來。聖。曰。天。保。定。尔。亦。

孔之國。且切。獨也。其。秘。  
 諸。致。事。業。字。如。集。架。建。  
 以。以。千。四。方。手。分。共。子。  
 日。也。我。元。坐。少。井。滿。  
 而。天。下。之。氣。聚。矣。

可。乎。遂。手。擲。巨。劍。疆。  
 以。鏗。焉。云。文。化。乙。亥。秋。  
 九。月。龍。所。松。影。筆。撰。



孔之國是  
 溫泉論  
 目錄  
 先天堂藏版  
 既刊  
 全  
 全  
 全  
 嗣刊  
 全  
 全  
 全  
 全

先天堂藏版目錄

蔓難錄五卷

國字

既刊

溫泉論三卷

全

溫泉足話二卷

國字

嗣刊

勞瘵新書三卷

全

火鍼論二卷

全

產語三卷

全

拓氏醫叢六卷

嗣刊

折肱餘事三卷

全

醫寮以條上八部

全

文化丙子年春二月

編撰

皇都寺町通御池上

三木

安兵衛

東都日本橋通一丁目

須原

茂兵衛

浪花心齋橋南四丁目

鳥飼

市右衛門

發行書林

Handwritten scribble



